

ԲԻԲԼԻՈԳՐԱԳԻԱ

2. 2. ՄԵՔԵՐՅԱԿ

BIBLIOGRAPHIE GEOGRAPHIQUE INTERNATIONALE. 1960.

Publié sous les auspices de l'Union Géographique Internationale avec le concours de l'Organisation des Nations Unies pour l'éducation, la science et la culture (UNESCO). Paris, Centre National de la Recherche Scientifique, 1962. 865 p.

Մատենագիտական այս արժեքավոր հրատարակությունը ֆրանսիական աշխարհագրագետների ընկերակցության 66-րդ հատորն է՝ աշխարհագրության վերաբերյալ Գիրքը բաղկացած է երկու հիմնական մասերից՝ Ա. Ընդհանուր մաս և Բ. Ռեգիոնալ մաս:

Գրականության ցանկը ընթերցողին մատուցվում է որոշ դասավորվածությամբ: Այսպես օրինակ, սկզբում գետեղված է «Մեթոդիկա և ուսուցում» գլուխը, այնուհետև «Աշխարհագրական գիտությունների պատմություն» բաժինը, որտեղ առանձին նշված են հին և միջին դարերի, 14—17-րդ դդ. մեծ հայտնագործությունների և 18—20-րդ դարերի մասին աշխատությունները: «Աշխարհագրական հայտնագործությունների պատմություն» բաժնում ընդգրկված գրականության ցանկերը նույնպես տրված են այդպիսի բաժանումներով: Գրքի պատմական հատվածը էղրամակրվում է «Պատմական աշխարհագրություն» գլխով:

Գրքի առաջին մասում են գետեղված նաև «Մաթեմատիկական աշխարհագրություն և բարտեղագրություն», «Կադմաբանություն և հարակից գիտություններ», «Օդերևութաբանություն», «Հիդրոլոգիա», «Կենսաաշխարհագրություն», «Մարդկային աշխարհագրություն» բաժիններն իրենց ենթաբաժիններով:

Գրքի առաջին մասի վերջում տեղ են գտել 40-ից ավելի «Բիբլիոգրաֆիաներ, տարեգրքեր, բառարաններ, կոնգրեսների նյութեր և կենսագրություններ»:

Մատենագիտության ինչպես առաջին մասի, այնպես էլ երկրորդ մասի շատ աշխատությունների նկարագրություններից հետո տրված են կարճ անոտացիաներ կամ անվանի աշխարհագրագետների ղնահատականները, որոնք օգնում են էլ ավելի բազմակողմանի բնութագրելու տվյալ գիրքը կամ հոդվածը: Մատենագիտությունն օգտագործողներին լայն տեղեկություններ տալու համար հաճախ հղումներ են արված նաև այլ բաժիններ՝ «տեսնել նաև...» նշումով:

Բիբլիոգրաֆիայում ընդգրկված է 1960 թ. բազմաթիվ լեզուներով լույս տեսած աշխարհագրական գրականությունը՝ 6500-ից ավելի աշխատություններ:

Գրքի երկրորդ մասում (էջ 274—803) գրականության ընդարձակ ցանկեր կան աշխարհի հինգ երկրամասերի երկրների վերաբերյալ:

Այս հատորի լիբրիոգրաֆիական ցանկերի պատրաստման աշխատանքներին մասնակցել են տարբեր երկրների հարյուրից ավելի պրոֆեսորներ, առիստենտներ, դոկտորներ և այլն: ՄՄՌՄ-ի մասին լիբրիոգրաֆիան կազմել է Սորբոնի Համալսարանի պրոֆեսոր Պ. Ժորժը: 230 տնուն ծավալով լիբրիոգրաֆիական ցանկում տեղ են գտել ինչպես Սովետական Միության գիտնականների, այնպես էլ Փարիզում, Բեռլինում, Լոնդոնում, Պրագայում, Միլանում, Թորինում և այլ քաղաքներում լույս տեսած բազմաթիվ աշխատություններ Սովետական Միության ֆիզիկական աշխարհագրության, բնակչության, քաղաքների, տնտեսական աշխարհագրության վերաբերյալ և ռեզիոնայ ուսումնասիրություններ:

Մատենագիտությունն ոժտված է մի քանի սժանդակ ցանկերով. գրքի վերջում կա նաև հիշատակված աշխատությունների հեղինակների այլընտանանքական ցանկը (էջ 804—855):